

桂留山房詩集

桂畱山房詩集卷七

阻風白蜺江和倪九方孝廉

蘇軾作詩

寶山沈學淵夢塘

湖光十里畫濛濛野港移舟四面通
昨日阻潮今阻淺朝來愁雨暮愁風
竹頭犖确橫漁蘂雲腳模糊掩簞篷
我是江湖餐宿慣莫將喪手笑篙工

澄江官廨訪蕭子滂別駕卽席賦贈

今朝纔放剡谿舟人與梅花一樣脩
如許知心乍相見況逢握手盡名流
紅牙按曲歌三變白紵聯交徧九州
寄語雲蘿今舊雨新詩篋衍未全收

謂萊臧及周
泉南郁賓

元夕子滂席上食河豚

荻蘆芽短春還早
橄欖漿酸酒不辭
儘悔讀書仍未熟
也應風味勝蜚螭

自家至毘陵操舟者繫余鄰人至是遣回

一江寒水碧粼粼
十日東風不算春
惆悵毘陵今夜雪
扁舟又別故鄉人

淮陰折柳曲六首

不怨飛花怨落梅
春風隨我渡江來
王孫芳草年年綠
愁上淮陰舊釣臺

漂母祠前起暮潮
謝公城北雨瀟瀟
數聲風篴袁江泊

十日離魂一夕銷

淮浦東風漲綠波
淒涼水調不成歌
雙雙畫槳乘潮去
但渡長江莫渡河

渭城三疊最殷勤
細雨如絲颺麴塵
但過黃河無此酒
勸君更盡玉壺春

下水船
早關真消質
息看刀鏤春
來手種蘼蕪草
綠徧淮南兩岸山

江頭送客泣琵琶
緩緩還歌陌上花
柳絮可憐飛不定
隨風一路到天涯

汶上大雪趙子鶴

亨衢

朱梅圖

元鼎

兩同年招飲

用東坡聚星堂韻

齟齬聲喧如落葉老馬凌兢一背雪門前官驛路旁午
不信今朝人蹟絕土牆四角圍荆扉一白茸茸蘆葦折
紆干凍雀號寒蟲榾柮無溫鑪火滅何來剝啄非惡聲
白木屐屐手自掣雪花如片酒花細一齊吹作魚鱗鱗
豐貂抹額雙嬋娟銀甲琵琶霏玉屑客愁悵觸酒易醺
過眼煙雲真一瞥曉風變變金井麪此時惟有餅堪說
江南春酒何處沽衝泥明日蹏輪鐵

早發東阿至銅城驛晨食車中得絕句六首

店門響宵柝老馬齟殘莖斜月未三更已有鈴聲過

五夏天雨霜微裘襲寒氣時起揭簾看問訊天明未
雞鳴桑樹巔喔喔天初曙不見酒帘垂再過前邨去
前邨路轉遙寒雲罨林隴昨夜五夏霜時作瀟瀟雨
一雨洗黃埃平沙輒於禡立馬店門前春草綠上屋
茅屋晨吹香入門惟說餅飮馬待須臾輓轡汲雙井

題薊嵐示後錄

薊嵐姓羅名潤湘汀州人年十一父遭奇冤女
兄亦坐累潤湘代父繫獄官奇之事竟白今老
矣錄委曲以示後人使不忘前事云

薊嵐先生古俠士不爲俠士爲孝子破巢人索孔融兒

溪井名傳聶政姊十齡噩夢幻雲煙家難淒涼捕後蟬
斜勒朱封摧霹靂白鳥黑鷺各茫狀黃犢初生健如虎
不知有官知有父枷鎖吹來一縣香橐飴嘗盡三年苦
圍扉代繫詫奇童大理如瘖社長聾忍死願爲批頰鳥
平生不作叩頭蟲白日青天銷雪霰團欒重識家人面
軍書幸免阿耶名劒血尙汚慈母綫華嚴小劫去堂堂
半世風波兩鬢霜軼事脩成耆舊傳奇冤訴與子孫行
古來忠孝譚何易孝經一卷英雄記敢云我輩是完人
要使女曹知此意淚痕和墨滴蟾蜍徧體摩挲舊髮膚
果報不譚顏氏訓俠遊仍戒馬援書後人珍重楹書讀

玉女艱難冒女禍此事偶成身後名當時刻卻心頭肉
偏仄崎嶇五尺身握蛇騎虎聽吟呻世間不少奇男子
莫使緹縈冷笑人

題高麗進士金山泉

命喜

詩卷卽用箕都詩韻

鳴綠粼粼春水生江波濯筆送君行花迎四牡歌先豔
潮汨三韓語不平東海經灰徐福島中朝紙價洛陽城
料應歸及雞林道一路題詩倍有情

箕都作

朝鮮

金命喜

山泉

蘭葉初齊白芷生獨尋芳草徬江行詞人舊謝許元
度上士誰稱向子平落日烏檣羊角島春風豪竹樂

浪城停輓且問雲州路欲說當時已愴情

長椿寺訪九蓮菩薩畫象

華嚴一劫恆河沙金輪湧出芙蓉花垂條瓔珞現眞相
一層宮綳籠青紗君王暫醉西城宴夜半宮門呼盥面
出身亦是都人兒不學須看霍光傳梅檀香霧出慈甯
繡佛絲多佛有靈願將法駕雙輪紫換作蓮花九朵青
名山寺刹連樓棟十萬金錢資梵誦脩到武清外戚家
竟成慈應眞君夢別有袈裟紅錦新莊嚴寶相畫天人
劉家一炬憐焦土遺象淒涼哭孝純

蔣伯生大令

因培

戊旋畱寓都門喜贈二首

小雅何心作怨誹楚騷一卷寫芳菲赫蹏鈔徧長安市
袴褶裝成短後衣殘醉彎弓暗虎臥高秋盤馬早雕肥
千篇闕塞嘉州橐譜入悲笳雪亂飛

零章脔句手親編低首宣城已十年此事直應推海內
近來况復勒燕狀銷除結習非名士坎坷流人是謫仙
果有瘡痂成癖好秋風團扇未曾捐

君以素扇
索書舊句

蔺塘以拜石山房詩橐屬余刪校客來繙閱有大
加訛議者余不暇與辨作詩以報蔺塘兼示秋平
穀廉見余之非阿私伐異也

世無楊鐵厓豈有媯蜚子

叶

世無王弇州乃讓歸熙甫

妄庸及文妖詆譏良太苦今讀四部彙要誦新樂府濃

香薰班馬哀豔擷徐庾平心論古人慎勿判門戶況復

居同鄉風流能接武

鐵厓亦流寓吾鄉

文人柰相輕前賢恆受

侮如君著作才雲夢自吞吐瀝液傾六朝芳菲懷二杜

平生具三長此事足千古客來說鏗鏘堆紙微訓詁夏

蟲莫語冰巢居豈知雨擁腫驚橐駝爛熟煮鸚鵡寸莖

敲洪鐘疾雷擊布鼓豈解子雲嘲真羞樊噲伍六鈞請

傳觀再命當益俯請莫賦三都此間有僧父

雨後偕黃鹵香

茂

倪九方過法源寺

一雨繡新綠入門聞草香非野得野意薜荔垂紅牆風

鈴和檐鐵梵誦聲琅琅
轆轤雙井甘石火敲禪房同此
苦茗汁肺腑生清涼乃知西南城風味差足強殘花墮
歛歛絳雪堆石牀埽花如埽塵一笑諸僧忙

豐臺賣花曲

豐宜門外豐臺市芍藥花開香十里連擔侵曉踏歌來
一唱賣花人盡起尺髻淡垂燕尾髻城中城外鬢雲高
睡痕濃壓花雙朶酒暈斜分玉一條金刀夏翦銀瓶供
璧人自抱羊車送泥女紅嬌周史年祝君金帶揚州夢
殿了春光便可憐賣花時節落花天生成北地臙脂貴
嫁與東風不直錢征鴻社燕江南客做車羸馬長安陌

本言集卷一
二
婪尾賒來酒易空
狀頭題罷花無色
芍藥而今比杏花
曲江春盡送天涯
披衣莫被紅腔喚
壓帽先愁綠鬢華

津門道中

潮落丁沽海脈乾
桅檣戢戢倚河干
離懷漸似中山醉
世事真同上水難
牛峽當窗三暮見
羊腸作岸九迴盤
何當歸趁瓜皮艇
料理江鄉舊釣竿

糧艘二友篇贈江陰夏稭鄉孝廉

翼朝

汀州伊少

沂別駕

念曾

輾紅踏碎雙芒屨
春風滾滾槐花街
故人折柬歡儔侶
雨今雲古皆吾儕

始晤於秋
平席間

琴書蕭條吐肝腑
衫履漉漉

脫忘形骸秋蟲託宇氣索索春禽得友鳴啾啾相期卜

鄰久茲土一尊琯瓌前言乖短衣襍被打包去解嘲仍

與計吏偕

余與稊蕪以下第出都少折以需次告假

是時潞河水初漲漕艘

鱗次颿檣排許我附庸成一隊差勝馬足生塵霾夾洲

畸零長荒荻舊埽嶺竄橫枯柴沿流伐鼓促津吏當關

索米愁官差舵樓絢爛嚇魑魅篙工界狼如狼豺晨春

千鍾相

去

邪許暮歌四面流淫哇圈行忽作磨上蟻怒

目欲突車前鼃計從沾淀汴漳衛遙想汶泗通江淮十

盪十決頗作氣三朝三暮仍無涯中途淹滯不可耐吾

曹意氣猶能佳文史跌宕互商榷吐屬譎詭同優俳憶

書勝負賭酒券得句絡繹催詩牌隸碑摹成折尾蠶篆

石凍作流涎蝸梅根突兀冶鐵汁蘭芽瑣細垂金釵

二君

俱精篆隸少沂
尤善畫梅蘭

鼓琴不彈鵬絃柱

余曾著無絃
琴堂寓言

學劒手

製魚皮鞞傳奇往往讀野史志怪歷歷搜齊諧夜溪自

注北條水午倦偶夢南柯槐銅盤汲泉浸瓜李土銼給

饌珍魚鮓一千里路久盤折四十餘日何沈埋人間豈

無地可縮世事竟若天難階奇雲作峰變不測新月照

水明於揩昨宵驟雨澤下尺漲痕沒草浮根夢河隄條

生瓜蔓水田稜漸長麻梁楷傳聞三版啟孤牖瞬息百

里經長簿梳竿徐吹風策策舵尾側聽波潏潏卽今行

止本前定暫時遲速甯紫懷平生聚散太倉卒缺事欲
補無靈媧何如借此作良覲兼計後約青山厓晉甄漢
研拓古字桃薊所蓄二研周鐘鄭敦羅蕭齋少沂家藏二銅器因以名齋鑪
魚成仙細若髮少沂尊人墨卿太守藏書最富蠟蠅作醢甘如蜜桃薊所居曰蠟廬見晉書夏統傳近遊遠涉無不可一舸擬載吳宮娃倘因
此役戒舟楫便跨白鼻黃金駒

伊墨卿太守 乘綬 秋水園圖令子少沂屬題

秋風稻穗掩柴關路指南塘第幾灣四海循聲如白水
十年歸夢有青山園林蹤蹟成鴻爪翰墨因緣見豹斑
珍重楹書三萬卷蘇瓊手筆在人間

衛河舟次偕秋平夜話寄懷李少坪卽用秋平都門秋懷詩韻六首

多少愁邊與酒邊天涯鄉里話纏綿南飛烏鵲空三匝
北嚮征鴻又一年水調歌殘成獨聽山香舞罷倩誰憐
憑君莫悵風颿滯駑馬長途久不前

臙脂畫本褪輕紅一例中年感慨同秋後芙蓉波嫋嫋
春來楊柳別怱怱蛤蜊荻葉吟歸客鱸膾菰羹覓釣翁
不信連檣今夜泊蕭蕭聽雨更聽風

冶春小隊盡輕肥粉署藤花畫省薇彈鋏未諳偏買劍
障塵何術不沾衣元經起草忝霜鬢飯顆相逢減帶圍

星紀回頭驚噩夢怕從人海看芳菲

十萬黃金一羽輕脣乾口燥數生平秋蟬捕後憐家難
寒鳥嘯時見世情飄泊田園歸計拙蒼茫湖海客愁生
出門西笑無端甚辛苦蘭闥刀尺聲

論交卯角各飛揚鑿壁平分夜火光竹外彈蕉誰寄託
酒邊舞蔗看低昂冬心自耐貂裘敝秋氣先悲團扇涼
我愛白沙江上住讀書種子有黃香

白沙二君
所居里名

爛熟黃粱夢未安到家夏比出門難已無負郭能栽秫
生怕當門尚種蘭社燕分飛波一翦檣烏飢噪日三竿
他年土偶桃人語重憶江河路渺漫

原作

同邑

黃

璣

今名河璣

家居滄海水雲邊
遠道相思最縹緲
久矣欲歸無再計
偶朕話別已三年
飛飛鴻雁何時定
草草風塵祇自憐
寄語故鄉諸舊侶
近來心事不如前

花枝駭綠蘂
紛紅榮謝年
華景不同駒
過無心常緩
緩
螭來有夢
故恩恩
芻觀我亦爲樵客
往事何須問
塞翁况是水邊蒲
柳質飄零未敢怨
秋風

天涯何處稻梁肥
回首南園長蕨薇
前路江湖仍滿地
當時兒女但牽衣
新栽脩竹難成蔭
舊種垂楊已合圍
珍重故人相問訊
牡丹落盡寫芳菲

余家南園牡丹極盛

每歲花時集諸
同人吟賞其下

非關無累一身輕
漸覺年來意氣平
檐雀歸巢飢自語
庭槐落葉夢無情
卽看秋老繁華盡
都爲春濃變幻生
最憶小時遊戲處
海棠樹下笑嚙聲

不把華詞作頌揚
祇餘情款贈秋光
試將諺語時尋繹
但覺悲歌太激昂
世外如來空色相
閒中居士最清涼
昨宵夢見佳山水
醒後猶聞草木香

三千里外問平安
擬答家書下筆難
畫史胷中先有竹
騷人賦裏只生蘭
偶彈客座思歸鉢
欲話童時舊釣竿
碧水丹山何處是
一窗燈火夜漫漫

贈李惕齋孝廉 玉衡

鬚髯如戟面如田橫稍詩篇萬口傳才大費禕能辦賊

君以獲賊功 恩賜舉人 書成郭璞勝遊仙 兼善青鳥術 毛

錐鋒避三千客古瑟聲希十二絃我未從君投筆去磨

厓畱與勒燕朕

夾馬營懷古二首

按宋太祖生洛陽夾馬營今武城亦有夾馬營土人指爲香孩

兒降生處舟過其地作詩弔之不暇辨地志也

都亭飲餞不多時扶醉揚鞭統六師少帝朝廷尊檢點

中原父老識孩兒荒唐飛語黃袍在倉卒軍聲白羽麾

可惜史臣非石勒不將曹馬與同辭

北漢南唐盡版圖
長城何必鎮扶蘇
但聞母后傳遺詔
可柰先君問藐孤
趙普有書忘骨肉
韓通無傳惜頭顱
佗年抱向厓山去
地下慚逢陸秀夫

驛柳用舒鐵雲韻同秣薌作四首

殘衫破帽打包行
青眼相看一種情
金縷向來歌別曲
玉關此去問郵程
泥沾飛絮春無蹟
墨點棲鴉畫有聲
慘綠輾紅如夢過
年年津吏與逢迎

飄零蓬顆復萍根
回首天涯歲月奔
大道旌麾臨水店
小蠻絃索傍花邨
曉風殘月難成醉
短驛長簾各斷魂
沉石江潭搖落感
餞春時節別東門

遊絲不肖繫垂絲一唱斑駁路便歧搖作珊鞭揮淚去
折殘玉手送行時秋蟬無賴忝蕭瑟風簾多情管別離
迢遞陌頭何處望江南烏夜正相思

枉祝東風汁染衣行疎樁斷不成圍涼陰斥埃殘兵臥
落葉長隄病馬歸隴首書來雲黯澹渭城酒醒夢依稀
劇憐此樹婆娑甚多少行人怨落暉

無題用彭甘亭韻同秣薌少沂作八首

蛤帳紅羅啟玉蕤瑤田和雪采仙芝內家消息傳樊嫵
嬌女才華勝左思脩到梅花生此日竊來靈藥悔當時
春寒南浦滿裙早萍渚蘭泉凍未澌

一樹枇杷晝掩關淚痕清灑竹斑斑朱絲錦瑟分明在
碧漢紅牆縹緲間鳳紙閒裁中旗曲鳩媒愁上望夫山
榴花細蹙荷花淺兩兩同心約指環

玉樓瓊宇敞層層下界回風未可登石綠秋涼黏廣裊
海紅春淺換宮綾香生荳蔻纖纖月花照菖蒲夜夜鐙
著色屏風周昉畫不曾真箇已難勝

絮影模糊雪影銷漢宮顏色楚宮腰鯉魚食譜烹紅尾
鳳子釵梁挂綠么木葉層波舉杜若畫簾微雨聽芭蕉
簸錢鬪草聰明甚一握牙籌抵百驍

黃篋船窗掩絳紗過江打槳卽天涯細敲玉杵求漿客

低叩瑤簪賣餅家油幕青刪書帶草粉垣紅煞馬纓花
胡麻半晌炊難熟躍出壺中日已斜

懷裏餘香漬衍波伯勞燕子等閒過盤中詩比回文少
子夜人如讀曲多瑤瑁虛將鹽作餌蝦蟇高占月爲窩
當時縱有黃衫客持較紅綃定若何

緩緩歸來陌上途山頭依舊采藤蕪機絲翦響陪黃媼
蠟淚香心拜紫姑仙珮玲瓏搖洛浦脩眉遠近盼成都
六州一鑄剛成錯黃土重搏事有無

明珠一琲散圓勻玉女窗開別館春字蹟親題楊妹子
畫簌誰訊費宮人偶經北里醒難醉想到南柯夢亦真

同是拈花成小謫幾曾微笑但含顰

有題疊前韻八首

廣額元綃織素蕤似聞阿母喚蘭芝青荷作鏡無光采
紫玉成煙有夢思楚岫雲低殘雪後吳歌聲斷晚風時
碧城十二回頭近一水鱗鱗解凍澌

綠波畫槩掩重關雲母簾櫳碾粉斑味俊魚羹鹹淡外
脂勻獺髓有無間玉壺夜醉瀟瀟雨石黛春橫點點山
十丈紅薔愁刺手隔窗消息叩連環

舵樓香霧暈千層問訊飛瓊有路登歷綫人間拋白紵
解圍客去卷青綾私描粉絹屏山硯斜射雲鬟水閣鐙

證取前緣香火在慧心綺語兩難勝

別鵲離鸞恨未銷章臺忍與鬪纖腰淩波素鳥三千拜
泣露紅心十八么萍果前生風裏絮蘭期昨夜夢中蕉
六張五角蹉跎甚玉女何時擲一驍

天寒翠裊薄於紗蘆荻蕭蕭水一涯三變芙蓉愁卓女
雙棲瑤瑁話盧家淚拋帝子紅絲瑟鬢插天孫素柰花
讀罷蛾眉金贖傳闌風細雨正橫斜

靈脩脈脈託微波花底秦宮十日過甘蔗漿寒菊出好
女蘿絲弱寄生多月輪顧兔營三窟雪窖春蠶一窩
癡絕逢人頻說項虞兮飄泊柰愁何

蘋末回風滯客途秦郵野樹接平蕪亂跳白雨求龍女
獨宿青谿傍小姑蓮子根深沈弱水桃花核小盼元都
無端折盡淮陰柳相對魂銷一語無

馱鈴風鐸響圓勻夢斷瑤京紫陌春蔡女青笳悲故壻
茂漪斑管學夫人黃楊度厄名成識青鳥傳言聽未眞
一掬江東昭諫淚爲儂憔悴爲卿顰

重有題再疊前韻八首

玉清宮闕鎖菱蕤換骨神仙采朮芝繡佛絲多輸孟顓
量才石小費陳思霜棱秋隼盤弓後雪蘭春蠶上箔時
手織雲裳宮錦豔銀潢清淺渡流澌

魚鱗淡沈畫掩關銀鉤湘管寫班班誰憐東藩西擣客
都在南轅北轍間喪底功名三歲字壺中邱壑九華山
石花餘唾生珠玉隔著天風聽佩環

蜂房戶限一層層寶筏仙航有路登鸚鵡賦成呵采筆
胭脂畫就試宮綾夢吞丹篆長生籙魂斷紅膏續命燈
清絕玉皇香案吏冰銜瓊骨恐難勝

眉圖十樣各魂銷高髻何曾及細腰笳鼓將軍麾白羽
琵琶老女泣紅么殘根飄泊泥中絮敗葉郎當雪裏蕉
頃刻妙蓮花世界圍碁一劫箭雙驍

班姬團扇越谿紗縹緲山椒隔水涯鮑老登場還我輩

周郎顧曲又誰家白頭舊夢題圓月藍尾殘春數落花
惆悵大羅天尺五鄧林一擲日西斜

吹皺春池水不波空花宿霧眼前過新妝西子含顰少
故事南華悔讀多蠹粉豔銷紅勒帛螺煙濃染翠雲窩
逍遙梵字樓楣上偷譜霓裳柰爾何

轅駒局趣困長途回首江皋長綠蕪笑口胡盧逢玉女
聘錢羞澀貰黃姑三年顏色曾窺里半世樊籬尙鍊都
吟徧夜珠明月句婉兒玉尺有還無

泥緘密寫錦書勻了卻悲秋懊惱春出塞重歌前後曲
看花閒笑往來人一條絃柱王摩詰十丈雲梯賀季真

聽鏡卜釵消息遠絲絲楊柳可憐顰

臨清舟中雜詩和疏薌兼示陰菊泉

紹衍

十二首

塢鈴無語水東流人比萍花不自由
兩度篷窗看明鏡上弦月子又如鉤

木版羅羅石齒環牖門消息抵重關
歸裝除是愁難稅拌爲麗官一破慳

短轅長柄打成幫十丈驚濤拍水窗
瓜蔓潮黍豆花雨漲痕又沒昨宵椿

雲水空濛望未真不分龍爪與魚鱗
瓣香愁拜漳神廟燒尾歸來又一巡

河有巨魚見州北門漳神廟側
兼有二龍見西南隅皆水徵也

泥車鐵爪搏黃土豆葉蘆苗覆碧隄正是客情無著處
草根絡繹盡情嘯

赤腳黃頭費挽牽沿隄鼓柁各喧闐誰知巨組長檣裏
有箇米家書畫船

印人傳裏頻搜輯觀石錄中費較量莫笑王恭無長物
紅泥淡壓碧筠箱

姑妄言之姑妄聽夜淡鬼眼閃鐙青近來學得齊東語
手註公羊一卷經

渠儂語作吳音慣郎罷聲從閩囷翻我載草元亭畔酒
拌將奇字換方言

碧杜紅蘅絕妙詞自裁黃絹寫烏絲惜無十五蘭舟女
低唱松陵倡和詩

天涯日日看刀鐙別緒如雲不可刪何似峭艫彭澤縣
一鉤眉黛小姑山

雙星情緒隔微波一抹秋雲織絳羅今夜酒醒何處宿
潞河南去是漳河

舵樓乞巧詞

采蓮歌罷秋蘖病隔水菱花照明鏡碧綃涼卷鯉魚風
六柱篷窗雙蓼凭盈盈十五弄潮兒東舫西船少別離
載得桃根渡江去水精眠夢易相思釵梁未麗吹翻馥

畫屏人影搖殘燭。篙師未醒客初眠。私語喁喁夜淡祝。
瓜棱手破碧玉瓶。蘋婆果綠林檎青。護花不識風姨妬。
搗藥能偷月姊靈。磁盒雙盛紅蟾子。脈脈跂跂何所似。
新樣翻成鳳錦窠。慧心織出魚紋紙。人間巧拙亦因緣。
何處風波不可憐。淮水愁生囉噴曲。江州淚溼琵琶。
絃癡牛騃女。銀潢近浮家。泛宅無人問。但羨鴛鴦。莫作
仙祇愁。烏鵲難填。恨別有江南。唱柳枝。官河畫舫。盼歸
期。一篇乞巧文。遙寄腸斷吳興沈亞之。

神魚行

神龍見首不見尾。大魚見風不見水。人不見風但見魚。

十丈軒狀大波起漳河東走奔綖纛傳聞有物巢其中
出雲見怪不可狀沿隄廟食如坊庸海魴伎倆倏狡獪
入穴則吉出穴凶是時雲黑斜陽紅黃泉碧落垂雙龍
龍皮作扇魚背篷上下一氣蟠長虹三十六鱗頃刻化
爲千萬億一鱗一朵金芙蓉帝旁玉女嚇嚇笑不止手
撒白雨聲摩空陽坪豆子一丈五牖門三版橫艤舳我
聞歷陽都老嫗去後反作湖又聞淮渦水青獮躍出形
模糊江神倔強戰太守河伯譎誑憑邨巫魚乎魚乎曷
不乘風激浪日徙一萬里任女南池北漳東蓬壺柰何
鬱鬱久居此尾大不掉相齟齬而況吾儕暴鯁點額不

得上附舟假道來須臾豈意逢君小作劇陸沈水厄一
劫迷津途我無澹臺舟中壁又無璧社湖中珠何爲磨
牙吐沫試遊戲有類大蛇當道虎負嵎我欲拔劍舞惜
非周孝侯我欲爲文祭又非韓潮州豈惟我非古人比
爾亦神通變化勿與毒鰐癡蛟儔舟人搖手戒我勿多
語是以喜怒爲恩仇紙錢索索飯顆浮靈風畫卷瓠宮
秋州官拜跪喧前騶羊一豕一投濁流巨口出水高岑
樓吁嗟吞舟如吞鉤

東澇行

去年山東秋澇深八月以往成霖霖高田海淖沒踝骨

低田窪水如釜鬻梁黠未熟豆其爛溝中有瘠突不黔
兩石穀舂五斗米賣婦得食無衣衾寒威飢餓各一劫
須臾稍緩爭分陰我來策蹇齊南道層冰踏碎春融早
帶水拖泥一綫隄東風二月無青草殷哭聲從馬首來
投以百錢三匝繞州吏誰歌元結詩山川難畫監門橐
雙輪四角馬不前牽挽費力兼費錢道旁茅店揖客入
一鐙垂穗寒無煙主人問客來何暮得非陷淖旋泥故
主人三歎客亦愁行路之難何足數聞道燕南趙北間
十日賑災勝大酺以灰止水想亦奇以民就粟事難訴
恨無十萬腰纏纍生者拯之死者賻客程蹤蹟如搏沙

又從四月辭京華舍車而舟願迂枉幸免觸目成咨嗟
潞河五月麥作芽衛河六月縣生花梁蘊漸長豆莢短
雜以玉黍兼胡麻飢腸輓轡且復忍今年望比前年奢
七月朔日漳河泊沿隄十萬居民譁蕢籠樛裡雜嬾稚
鐵爪白木長鴉叉鄉人防水抵防寇焚柴伐樵夜浹守
三日以後官符來蹴躡老兵坐相救魚龍怒挾驚濤飛
風雨荒荒暗白晝百里之遙三潰圍倒挽天河衝急湏
不信螺桑頃刻間如此相煎亦太驟我船久泊無歸期
鄉城纍纍多瘡痍扣舷索米日百計宿春散盡忘朝飢
叶嗟乎大東小東連歲荒居憂積倉行憂糧鳩形鵠面

延喘息勘災先欲籌河防當關僕隸猛如虎市僧朝餉
貪如狼御車操舟氛尤惡形與疾狗同披猖聚而殲旃
誠非虐此意呼吸通冥蒼柰何波及徧邨里有類玉石
災崑岡君不見西邨老翁右臂折軍旅饑饉從頭說又
不見西邨小兒襁褓來刀兵水火初輪迴八十曰耄七
年悼若輩窮民苦無告一聲河滿雙淚流匝月篷窗看
秋澇

訪眇山人故里

不將纓笏換山林巨眼文章隻眼尋少日交遊名士習
暮年詞曲美人心猪肝累少逢迎易牛耳盟寒感慨深

白雪高樓應咫尺羅裙典後亦銷沈

題少沂畫冊四首

萼綠華來比藐姑天寒翠襲倩人扶不知金谷量珠後
尚有樓東一斛無

綠梅

空谷佳人豔綺春朱絃彈出最銷魂江邊一帶紅心草
猶是湘娥血淚痕

紅蘭

紙帳無溫換絳紗仙人昨夜醉流霞最宜九九銷寒日
多買臙脂畫此花

紅梅

猗蘭一曲有知音碧杜洲邊綠綺琴寄與淡閨畫眉筆

雙鉤石黛寫同心

綠蘭少沂夫人素三女史亦工畫蘭

泊丹河隄偶訪野寺

煨芋齋廚宿火紅
苔龜長被白雲封
塢鈴響雨怖飛鴿
檜鬣當風吟病龍
遊客獨尋秋草碣
殘僧自打夕陽鐘
月明儻有花之夢
鴻爪天涯記此蹤

臨清舊北門作

夕陽紅弔戰場魂
一片清漳水北門
細草殘甌秋潦外
亂蟲嘯徧舊城根

南旺道中

雙湖明鏡寫秋光
一抹遙山夕照黃
行盡荷花三百里
野風吹上布帆香

任城晤金華應繡村孝廉

宗堉

招飲醉後贈之

畸人身著紫綺裘邀我直上太白之酒樓酒樓突兀一

千載金波

濟州酒名

穆穆長河流跳上岸來大歡喜十年別

夢銷煩憂座中八仙各招手擎杯奉客如擎甌玉壺買

春春不售金貂換酒酒可謀手持鸕鷀杓踢翻鸚鵡洲

生不願封萬戶侯亦不願一識韓荊州但願五百斛酒

載一舟四時鮮果實兩頭與其爲韋上黨之客不如爲

石曼卿之囚與其爲死埋陶家之鄭不如爲醉死偃埋

之劉淳于一石樂莫樂中山千日愁莫愁羅姬十五揚

清謳當鑪一曲彈箏篴如此不飲良可惜哀蟬落葉聲

啾啾前年別君在春杪今年逢君在清秋
鬢鬢者鬢種種髮沈者自沈浮者浮既不能清平三章奏天子又不
能金錢百萬供遨遊騎鯨客去酒樓在醺雞無數成蜉
蝣如此不飲良可惜再飲百榼方歸休旁人白眼勸止
酒我乃酒狂毋相仇狂花病葉我自好露髮跣足君無
尤糟中之肉夏堅久腹中之鎗非贅疣君不見孔子百
觚量能受彌勒米汁性所投聖賢仙佛各好飲豈有飲
鼈兼飲牛女毋多言非女及速爲我輩營糟耶

邳州舟次中秋

百五光陰三五秋四千餘里滯歸舟多情今夜天邊月

照到江南第一州

題少沂聽泉圖卽以贈別

在山泉水清出山泉水濁水清濁不在山清斯濯纓
濁斯足伊人本住秋水園蒹葭兩岸霜前綠梅花十萬
香繞廬三分水外一分屋讀破南華經細和滄浪曲但
聽泉聲瀉碧虛小如濺珠大戛玉如是聞根清淨福乃
知聽絲不如竹聽竹不如肉彈出琴絃聲洗盡箏琵琶
初聽攤飯眠再聽攤書讀又何必龍湫之巖與夫匡廬
之瀑而胡自製遠遊冠乞與故人祿手中一筆畫書詩
腳底雙圖輪輻輳與君遇北地難離往而復與君附南

船畫鷁飛以伏山中桂樹花欲秋終期采藍不盈掬歸
哉歸哉歸聽泉窈窕佳人盼空谷我亦白水盟還臥青
山麓我家江南君閩南送君一路郵籤促不如聽水夏
聽風且共篷窗今夜宿

淮陰秋柳詞六首

依狀楊柳村相思又是涼秋八月時寄語淮陰各年少
近來綠鬢已如絲

官驛蕭疎傷水薄扁舟怕夏泊淮陰舊時攀折痕猶在
冶葉倡條不可尋

公路浦前水逆流晚潮一夜過秦郵沿隄多少銷魂樹

賸與西風綰別愁

十里山亭五里庵
數枝搖落帶江潭
樓鴉流水無情畫
不信淮南似漢南

遶鴻睥燕各南飛
板浦隋隄景物非
唱罷春風金縷曲
杜秋紅淚滿羅衣

秋雨秋風八月濤
淒涼故宅問枚臯
傷心詞賦梁園客
猶著春前慘綠袍

題盛硯巢鋪榕陰索句圖

擘盡吟箋燕瓣香
嶺南詩派最蒼涼
四山蜚雨桄榔樹
一角蠻花牡蠣牆
遊夢至今思海嶠
秋心依舊老江鄉

與君落木庵中話又果巴童掃葉忙

哭朱雪巖姊壻六首

風雪淞南道恩恩餞去船離歌人日酒噩夢鬼星天幸

未三年別還餘一面緣暫歸真似客臥榻話纏綿

北 upper 上君

餞飲於淞南草堂歸經崧浦往候起居君已臥病矣

急足傳書至開緘賊更疑膏肓甯有此變幻不多時量

藥我猶慣燎鬚君不知商量諸羯末各自愧良醫

伯姊書來

道君疾亟攜同梅心之兩弟往視已不可爲矣

情話中年感碑陰鑿臼猜解圍分道韞作事問文開一

劫殘碁局千言濁酒杯寢門今慟哭更爲女嬰哀

無母嗟何恃時余尚六齡同懷惟姊弟相對各伶仃碎

鏡飛烏鵲荒原泣鵲鵲十年婚嫁了骨肉半凋零母先

太孺人見背 今母哭太孺人未歸時吾姊九齡余僅

六齡皆蒙 伯母毛太孺人撫字迨吾姊于歸余亦授

室僅及數年 伯母及 先府君相繼

棄養撫今追昔不自知弟之何從也

樛木漢恩在旁生甘蔗枝鋤如何無忌我豈鄭鮮之恤

緯篝燈夜寒蘿補屋時最憐韋逞母辛苦作經師

重醉黃壚酒蒼茫百感淡塵埋劉炳席絃冷阮瞻琴生

死嬰家難飢寒偪歲履淒涼履霜操應作輓歌吟君所遭家

難十倍前人

歲暮漫興八首

出門無計且歸休一唱風波動客愁
草草關津閒過夏
寥寥歌哭各悲秋
浮雲西北橫千里
澤國東南半九州
媿我已無田負郭
仰天空作杞人憂

水厄茫茫盡可憐
十旬風雨斷人煙
山窮慘絕號胥井
媧石虛聞補漏天
滄海揚波愁此地
恆河浩劫到今年
蕭條郡縣無南北
豈有人間燕子田

百萬膏腴卷白波
洪荒未闢想如何
新絲尙盼蠶分繭
舊穀先驚米化螺
海岸霜枯鴻雁少
湖田潮上鯽魚多
誰人飽噉侏儒粟
細讀春陵刺史歌

繡牙金魚白面郎
上書先救眼前瘡
咄嗟莫辨都亭粥

次第須籌佛寺糧豈有移民學河內祇愁晚粟竭荆襄
朝廷赤子無區別過糴官符孰主張

宰官說法費尋搜紅貼朱封一例收姓氏已登點將錄
頭銜誰是富民侯十場估價鴻溝判六鎮生靈雁戶愁
寄語羣公須努力一生難了此恩讐

水驛迢迢舊路迷記從燕趙過青齊千艘量減江淮漕
一綫孤懸海澨隄秋潦直連山左右颶風又報浙東西
但脩食貨河渠志倉粟由來爛似泥

三江水利重三吳巨浸蒼茫洩太湖宣歙山泉齊北注
淞婁潮汐獨東趨虞潭廢壘攔沙阜郊亶橫塘稅荻蘆

安得繩量江面闊
芍陂門堰舊規模

典盡征衣卒歲難
連朝風雪又冬殘
枯魚有淚求涔水
凍雀無聲立紇干
木屑驟增樵客價
草根狂嚼腐儒餐
春來依舊團團月
照徧流亡不忍看

桂畱山房詩集卷七終

桂畱山房詩集卷八

寶山沈學淵夢塘

投械歸農圖爲陳雨亭總戎

階平作

戈船下瀨屏江東將軍今日居元戎
蹇驢薄笨緩銜轡將軍昔日爲循吏
圖書衣被負橐行將軍平日如書生
丹青引中無敵手儒將翩翩古來有
惜無人讀屯田書十萬成兵編戶口
將軍當日官胸山牢盆搜剔無容奸
海濱何來惡年少石花濃染雕青瘢
公私竈穴聚羣蟻乘潮直上雲梯關
縱之不可止殺之惟有死可憐階下
囚累累皆赤子將軍淑問如臯陶
問女輩何不畋爾田

宅爾宅乃爲罪人淵藪相逋逃我分節鉞來我最善擒
捕我能上馬殺賊又能下馬作露布惟念女輩蚩蚩氓
使女青天撥雲霧我有一篇諭蜀文女且讀之毋自悞
女苦不識字爲女分章句女尙未分明爲女作轉注女
且聽之毋自斃諸囚相顧各自羞一時涕泣聲啾啾女
今棄女戰捐女矛賣女劍買女牛三章之法爲女約四
民之業爲女謀諸囚相顧各自喜一時拜舞應唯唯秦
東門外海天空回首昨非今日是黃皮袴換繡襦襦將
軍不作軍中裝按部畫長營柳細課農雨歇野花香瀛
壖嬾孺都生感璫瑜簫鼓邨邨演畏他岸虎勝龍驤化

我林臬說仇覽將軍官武如官文桑麻影裏開軍屯將
軍好文如好武競病聲中聽笳鼓元戎羽葆識朦朧橫
藥詩篇表海風許我書生揖嚴武爲君循吏傳去文翁
吳淞口觀水師演礮歌

饒歌曉挂樽桑弓老螭畫瞰馮夷宮蛇矛丈八不得試
將軍上策惟火攻連營海澨首尾應礮臺突兀東江東
吳淞中且最扼要水犀戰手千朦朧佛郎機法烏觜木
怒雷百里奔徑隴三年大府一巡海五隊健兒明甲鎧
樓船將帥舳舻侯太船若干小船倍千聲邪許鐵碇浮
石卵鉛丸裝碗礮軍門畫角迎風吹材官手掣紅旗麾

大船峩峩左右翼小船三匝輕如飛須臾旋宮八十一
中央四角無端倪青天一聲摧霹靂萬眾昂頭望洋立
叶三聲兩聲天地搖轟蟲驚醒掀波逃千聲萬聲一時
迸人聲不聞鼓聲定但聞惇惇嘽嘽響偪天但見雜雜
拉拉燒雲煙既縱赤壁火復控錢塘弦流黃香滌腥蛟
涎鯨魚頰尾龍鬚燃海潮涌沸如溫泉簪花將弁坐江
口士卒騰歡勞牛酒 國家演武非觀兵安不忘危慎
封守嗚呼海氛小醜何時無記曾夜火驚荏蒲嘉慶庚申辛酉
間其時倉卒練守禦召募兼及市井徒廣雲三百力不
舉藥囊火逸燔肌膚賊船離岸僅一里以礮擊賊賊轉

喜高者倏過桅檣巔低者橫絀沙泥背賊用我法攻我
師洞徹牆垣薄於紙直待官軍訓練成一試再試技益
精賊船仰攻勢不敵煙銷電掣波濤平咄嗟此法誰所
造其至爾力其中巧范蠡蜚石機括疎郝昭磨石衝車
少海鯨船賦製不傳蒺藜棱棱火毬小何如膨脝碩腹
主將軍耳聾三日一炬焚六州鑄鐵鐵有神眾手淬藥
徐夫人惜哉不過丁千斤

丁千斤明嘉靖間以禦倭著名者

劉家河訪海運故道歌

嗚呼有元百年作事不可料國計乃付兩海盜海盜以
海爲寢食溺鬼啾啾溺人笑出奇請上海運圖海壩船

廠千舳舻揚颿劉家港落颿丁字沽白洋湏洞黑水惡
 長風破浪如康衢初漕四萬石噴噴詫奇策繼漕千萬
 強神倉赴絡繹明初遼餉北平糧碣石之采訪遺蹟鳴
 呼古來漕粟無兩是予之角者去其齒河運勞且遲海
 運逸而駛勞者費不貲逸者勢難恃獨不見蓬萊鮫魚
 大如山明鐙射眼雙龍蟠梢公失色颶母嘯性命不直
 青銅錢一夫航海舉家泣大哉王言弗可及但穿旁徑
 備不虞豈若富家治宮室瓊山邱文臨海王襄裕皆名
 臣空言實禍徒紛紛我家季明莊濟宗沐最諳練惜又末
 遭下遭迤至今浮海尋故道側身東望成山島嶼門礁

淺路依狀獨有風波不可保存此一說勿細論霸上棘
門休草草嗚呼婁江水淺劉河淤鯁生欲獻芻蕘愚且
脩今日河渠志再讀當年海運書

枇杷聯句

薰風煽園林

夢塘沈學淵

果樹綴鬱蔦作花凌霜寒

葉

泉侯潛

飄香破霧漪秋白剖甘酸

酢梨一名秋白

冬青

競萋萋鑄彈懸金丸

小昆周兆魚

鍊液醅銀汞宜都土

宜宜

同梅沈學煒

洞庭山洞洞擷新野衲嘗

部山沈學

培

巡邏園官董入市傾筠籃

夢塘

餉客封斗桶水浮白

蚤釭

菜泉

鞍壓青絲籠蒲萄或賜陳

寄春

楊梅能對孔

沈李報瓊琚小昆戰瓜拭鞞琤蠟兄冠其曹同梅麤客

愿而侗皮裹雞心圖部山漿含馬乳桐蒂分凹凸平夢

塘核聚雨三總孽肌露巔屹菴泉隔膜剔帡幪儘可右

手持寄春不患左車動殘顆含來禽小昆蛀屑蝕飛蝶

龍眼睽不明同梅驢耳毛猶鬣絲絲刻楮成部山棱棱

梵貝嗔綠蕤細垂條夢塘盧橘誤鑿空貢豈入匭包菴

泉稅非納秸穗閉門萬里居寄春簪花雙手攏名許借

檀槽小昆曲定唱囉嘖禰房紅鞞鞞同梅蒲葅碧葦葦

橘栗桃李梅部山聯吟太倥傯夢塘

角黍聯句

酒闌呼點心

寄春

盤飧恣飽噉

同梅

聚米

山谷坎酥堆白雪瑩

部山

簞煮碧雲膠

夢

部

選葉裹葭莢觚棱銳於錐

小昆

色絲綴若紉嶄然露

崢嶸

葉泉

叩兮拂髦髻倚角姑舍旃

寄春

折角我仍敢

撈之巨獲湯

同梅

漉以淡蒲醢錦襖剥蝦蟇

部山

花趺

拆菹菹

吳俗裹糗作弓鞋狀謂之金蓮糗

瓊膏三白融

夢塘

米糠二紅

糝殼粘栗粉乾

小昆

核帶棗泥嵌貫索玲瓏穿

葉泉

切

玉瑕瑜拚卵鹽撒未勻

寄春

蔗糖蘸猶澹落莢堆棱棱

同梅

糗一名不

砥錫味醅醅

諺云前人喫

飯非雙手

落莢見戒庵漫筆

搗部山

饒有眾聲喧

吾鄉時秧時饒耕例以糗于

饒饒辨釋名

夢塘

拒妝資博覽每歌楚些詞小昆重為汨羅慘棟葉揉粉

群菜泉竹筒弔願願水嬉倚采旄寄春邨劇貼花毯搜

噬防蛟螭同梅施布雜糜糲相沿始何時部山每食重

有感饋貧糧充腸夢塘益智藥壯膽果核兼楊梅楊梅

事物原始小昆嗜好異昌歎邨邨搏黍嘯菜泉糯苗方吐蒼

寄春

石首魚聯句

魚魚結隊來小昆一網竟打盡放船候山礁夢塘聽水

截竹箇腥風海市喧同梅細雨江颿引搏雪方瑳瑳菜

泉鑿冰已嶙嶙朝潮購賈胡部山午餽獻關尹嘗鮮一

味甘寄春論價千錢允藉茅尾不遺小昆貫柳鼻生糾

狀比梅頭雄夢塘信與棟花準當其罕而珍同梅我則

窮且忍市直屢評量菴泉山廚耐嘲哂貴方爭鱗鱗部

山賤或等螻蛄但須論斗量寄春詎惜傾囊窘黃排鱗

次乾小昆紅入鰓邊殞腦空瘠夏肥夢塘腹果牡猜牝

調羹配新菰同梅斫鱸拾殘筍腥涎滌花椒菴泉腴汁

漉松菌持齋尚貪饗鄧山佛家謂菩薩魚持齋者仍食停箸猶舐吮鰓

抵虎鯊黏寄春肉較牙鱸緊雙顱石枕銜小昆兩點玉

函纈充耳垂明璫夢塘鏤骨嵌瑤軫柱定敵江珧同梅

珠應剖海蜃何如曝鱖魚菴泉勿復化禽隼張勃吳錄

魚至秋化封鮓寄謁鱗部山庭祭比膳脰敵帷我尙存

爲冠鳧

寄春頓頓自矛盾

小昆吳俗貴此魚嘗新時不惜貴價故有典帳買黃魚之諺蓋俗呼此

爲黃魚云

相逢行贈祝子常徵君

百十

季仙九學正

芝昌

往者嘗聞陸弟云

謂萊臧

我於澄江獲三友聯牀接席者

夏君

謂杭

其他季子及祝叟背誦三君文瀾翻脫諸口

兼述三君言指畫繪以手君山縹緲滄江漬愛而不見

但搔首輒紅十丈杏花亂飛潞河漲雨檣燕南歸夏君

同載四閱月嬉春過夏悲秋時我詫夏君才一時定無

兩夏君曰否否君何見不廣君獨不見祝叟之文章如

江濤之噌吰又如羣山之蒼莽又不見季子之詞賦如
玉女之瓊琚又如仙人之羽旄我聽夏君言重憶陸弟
語所見良不誣所聞益可許歸來鑄黃金錯刀不入市
歸來繡青絲錦段薄於紙眼中寸鐵五千年案上尺書
三百里

子海以
書來招

泊舟黃歇浦外訪客青楊巷中五色雲

起東海東今日何日歌相逢祝叟頤而長磊砢扶喬松
季子頗有鬚粉面摘芙蓉張南周北十步外青天蕩蕩
狂城大借手難尋溫八叉低頭願作方三拜與君相逢
日贈君相逢詩人亦不必舊相識樂亦不在新相知天
祿徵君黃叔度國子先生韓退之鼠肝雞肋瑣碎不足

述蓼蟲桂蠹辛苦安得辭蝨蚌江珧多食發風氣小魚
螾蟻所得不療飢五石之弓印懸肘不如醉我以一石
之酒萬石之門車如雷不如贈君以一石之才念子青
玉案要我黃金臺相逢相珍重相別相褻裒朱顏白髮
各自保雲車風馬飛塵埃讀我相逢行牙曠覓同調相
逢易相別感喟雜譚笑岸上歌翻小海詞雲端響徹蘇
門嘯惜少江東陸弟書兩載懷人隔閩嶠

子滂別駕招同祝子常徵君李申耆太史

兆洛喬

雲客廣文

普

夏稊薌孝廉季仙九學正劉春江秀

才濟

祝賡鵬三尹

登輝

及令弟子蒼上舍

以霏集

蘭脩吟館卽席分韻得與字

人生貴相知相知輒相許所許在心期灑然忘爾汝青
楊蕭脊巷分箋命儔侶別顏訝昔容促膝款情語座中
集羣彥英華各含咀炎官方司權火繖炳若炬密雲篁
小畜仁風扇大暑角巾墊竹簞野服脫桑苧鍛竈涼棚
移櫟鑪活火煮清言玉霏屑颺興雲干呂新詩篋行藏
賸句奚囊貯摩壘推曹劉狎盟爭晉楚誰張織女機我
刻宋人楮碁局中心平酒兵左右拒腹熨何乃澗拇戰
不可禦縱橫舞蔗竿狡獪鬪金距欲去姑徐徐旣醉困
囹圄瓜事湖南皮蘭芬懷北渚每徵息壤言屢被風塵

阻彥會喜偶逢裏言罄夙緒但惜勞燕飛不如鴻鵠舉
僂指排歸期勢難久延佇暫醉習家池長憶謝公墅斜
日下江皋停雲鬱海嶼盈盈四百里相思綯何所儻有
夜航船檣酒乞寄與

題子湧雲蘿詩夢圖次申耆太史韻三首

唐韻先仙寫彩鸞金微聲喚縹箋寒十年湖海人非昔
三月鶯花夢易殘白舫浮家狂酒客青山繞郭舊詩壇
我來未敢傷寥落法護僧彌有二難

官廨蕭疎帶薜蘿霓裳小隊謫仙多題襟墨褪殘衫浣
繡壁苔深故劒磨努力音書無恙在銷魂詞賦不堪哦

分明一夜天涯感落月空梁醒睡魔

停雲一角紗長空詩到多情畫亦工山館秋涼鐙影外
江樓春老簫聲中買田君肯居陽羨賃廡人都戀伯通
我是江湖頻載酒蕭颯風雨感懷同

兩雨天香曲爲仙九作

仙九新構一椽庭植桂兩株牡丹兩本與夫人

王伯穎氏

甥植

倡和其中榜曰兩雨天香詩屋

爲賦此篇

花神小語私喁喁靈香謫下瓊華宮廣寒桂子撒如豆
豆花開出雙雙紅夙世常儀伴吳質青天碧海匏瓜匹

人間豔福幾生脩夢中兩管生花筆秋花芬馥春花嬌
衣上濃薰雲外飄招隱賦鈔金粟紙清平曲和紫瓊簫
護花金鈴脩月斧闌干畧曲圍廊廡清貴惟應倚竹看
蕭疎大似舉蘿補親排密字寫珍珠竝坐垂簾玉不如
江上畫簾臨本草山中別業署凡夫雙聲詩譜彈瑤瑟
拈花人在散花室但羨鴛鴦更作仙莫教鸚鵡同參佛
近聞伯穎夫花花相對葉相當我有調言奏綠章芍藥
大長齋繡佛有情閒抱恨海棠雖好不聞香桂枝折後辭孤嶺薇紫
藤青開畫省鬧杏年華朱子京妻梅眷屬林和靖東方
千騎唱前騶一朶紅雲捧玉樓彤史親題花九錫夫人

國色堦封侯

次韻酬劉春江二首

十日聯牀話蘭緣一室芬交遊數咸籍

謂大阮
弦齋

詞賦偏

淵雲敢共騷壇賭惟將酒壘分醉餘狂舞劒隱隱起龍

文

燭盞烹新薺長畱齒頰芬嫩抽陽羨雨香裏善卷雲

以君

陽羨襟
見倘

水淡能千古詩清到十分迎陵今不見珍重感

斯文

觀趙蘊山上舍

狀

所藏楊忠愍公畫象

磁鋒剗肉獄吏駭鐙顛圓扉色不改鬚眉直偏冰霜棱

鐵骨丹心照千載一疏五謬十不可再疏五奸十大罪
想見披衣削草時目瞋鬢突精神在曾拜公象瞻公祠
四十狀貌清且羸生綃一幅此誰畫白髮種種微生髭
始知忠臣慣憂國早衰乃在松柏枝鈴山十年養望者
定復方面兼豐頤焚香再拜付一慟嗚嗚爲鸞鵲鳳
鸞鳥已死鳳鳥生銜出爰書黯如夢三千二百卷冊全
名畫過眼成雲煙嚴氏籍沒時古名畫三千二百卷冊見王弇州朝野異聞錄獨畱
尺絹寫公象太虛浩氣相周旋我欲懸公遺象酬公酒
醉出居庸關北口階前縛草肖奸臣霹靂弓鳴射生手

餞花詞和蘊山作二首

黃昏微雨壓簾低又聽紅窗鶉鴂啼春夢乍闌都化水
客心未醉已如泥畫船桃葉迎前浦駱馬楊枝送大隄
香沒芎蘿山下徑不堪重泛若耶谿

去住商量總惱公鸞飄鳳泊太恩恩酒波冷瀉愁邊綠
花淚嬌生夢裏紅縱有秋期懷北渚忍將春約負東風
羨他蝴蝶雙雙住只在青牆院落中

爲仙九題萱花畫扇

兩兩天香相對看宜男花信最平安庭前忝種青棠樹
不但忘憂夏合驩

十四友同車圖申耆太史屬題

露車一轅中馬左驂驢跨驢而從者三車之中
白鬚高坐者子常仰而與語者卿細青兜蔽耳
側坐露半面者宛鄰若士對之舉手若與語若
士之後左山子右彥聞紹聞背宛鄰坐撚鬚若
有所思善之坐右轅回面與伯恬語孝逸曳一
足坐左轅若與驢背人相盼也驢傍車稍後前
彥惟後贊卿竹吾竝而語竹吾挂鞭若聽者馭
夫結束傍右轅而趨揚鞭左顧若指示車中人
者爲保緒先是張懷白爲諸人各寫照欲彙爲
一圖又欲俟宛鄰歸并圖之會宛鄰自京師徑

至山左不果歸懷白不識宛鄰故爲側寫不能
求似也餘人則栩栩如對面矣他日相思一展
視亦可以稍釋寤寐矣夫子常祝大名百十宛
鄰張二名琦若士丁四名履恆紹聞陸九名耀
通卿細莊四名綬甲伯恬周大名儀暉贊卿魏
大名襄山子吳五名育保緒周二名濟孝逸管
大名繩萊彥惟張大名成孫彥聞方大名履簾
竹吾康大名兆奎善之鮑六名繼培此其齒序
也竹吾山西興縣人善之安徽歙縣人山子吳
江人子常江陰人保緒宜興人餘皆武進陽湖

入道光二年正月諸人集於常州之東坡舊屋
再集於揚州之靜脩儉養軒三年三月懷白畫
此在余家枕芸書屋其年十月裝於江陰暨陽
書院乃記之時孝逸竹吾善之在京師贊卿在
雲南宛鄰在山左山子彥聞在河南紹聞在浙
江卿綱在安徽彥惟保緒在揚州若士伯恬家
居不常見見余記者子常也爲月十八日武進
李兆洛書於暨陽書院

李郭崔李載兩舟褰衣博帶紫綺裘七賢入關始入畫
關門四扇騎青牛後來忝寫十六客生綃設色追營邱

西園圖中坐譚笑雅集不與風塵謀豈知萍根種人海
聚散飄忽如浮漚少同里閭長離別鴻來燕往飛春秋
何況它鄉各異縣閉門合軌難其儔南垂北際大如礪
且向天涯索知己黃衫白袷打包行火伴相邀作兄弟
油衣代瓦勃率聲風鐸岡即四千里同車親暱勝同舟
促膝摩肩迭臥起惜無廣乘抵穹廬此中卿輩能容幾
咄哉畫師想入神自成一隊十四人下帷新婦太懊惱
露車劣駟拖雙輪廂旁輶罇坐十客壓車欲折車不奔
三人聯跨黑白衛顧盼笑語如欲聞其餘一人奔絕塵
是何意態不可馴短衣草屨健裝束一鞭叱馭生風雲

諸賢大半未識面往往聞名勝相見雪山院長記此圖
便與羣公作小傳不比淩煙少馬援但須冒雪圖常建
戴笠相逢世所稀執鞭倘許吾猶羨齊州九點點秋煙
風馬雲車各一天惆悵江南桑苧客兩三人話野航船
將自江陰旋里而泉南適至遂偕住旬日展讀新
刻舊雨集增所感憶用贈長言

我曹蹤蹟不可料五載相思一握笑客舍牽君岸上船
歸程滯我江邊櫂憶昔逢君崧浦濱鶴聲一一叫秋雲
障塵拋卻黃羅扇磨墨邀題白練裙船柁沒水夜潮上
揖別江頭太鹵莽憑誰咄咄達空函更與恩恩盟息壤

南响老友

芝生居南响山莊

索和詩玉屏山客

萊臧自稱玉屏山人

邀填

詞十行夫柳忝官稅一榻禪花感鬢絲珠街小市漁莊
外寄聲來喫鱸魚膾談柄遲搖麈尾輕詩筒先壓牛腰
大夜雨懷人夢有無題襟姓氏半江湖自鐫吳郡新詩
本徧寫高陽舊酒徒太息南响闕荒宅玉屏又作遠行
客虛約三人不速賓少穿一兩平生屐難說田園老此
身年來橐筆亦依人早開東閣延何遜莫向北山嘲彥
倫雲蘿官廨嘯烏慘賓僚聚散都生感蒲團還我佛菩
提茗盃贈君仙橄欖劉伶巷內酒新篘黃歇浦前人倚
樓正憶封書題陸凱尙畱懸榻待周璆江口人聲喧午

市狹路逢君君乃是把手先驚觀面奇縱譚不覺悲歌
起中年哀樂總相關小住還應惜此間商略兩人今舊
雨許多著述貯名山

拂水山莊四首

峯腰瀑布翠微分十畝荒莊弔夕曛江令已刪南史傳
稚圭空寄北山文地臨廢閣環秋水人指危樓說絳雲
論到蓋棺仍未定白楊蕭颯尙書墳

一局殘碁噩夢驚園林如舊破巢傾科場閒說前朝事
黨籍難傳異代名白髮有人脩薦表青山無地著公卿
九京應被松圓笑虛築書堂賦耦耕

劫火文章削汗青書樓萬卷付飄零已拋絲竹東山墅
莫話滄桑野史亭老去慣穿危素履生前難應謝敷星
草堂咫尺東皋在粵嶠嘯鵲不忍聽

金屋雲淡看曉妝新詩傳唱柳枝孌死猶可忍卿偏俠
老尙多情壻太狂紅豆春風還結子綠蕪秋雨不聞香
墓田拾得銀華鏡猶刻河東字兩行

詠醋卽席口占

珍珠餘瀝滴糟邱龍鮓堆盤五色浮直道儘容鄰舍乞
苦吟闌入甕邊求枉將恨事添金橘怕有香名妒石榴
莫向迴風歌桺酸丁難覓錦纏頭

夢遊仙詩十三首

曲江橋下閉門居
生小梧桐女校書
愁絕春風敷水店
雙拋紅淚送籃輿

流水桃花直到門
璿瑜簫鼓夕陽邨
苧蘿人嫁青苔繡
一路香銷步屨痕

蕙蘭姊妹賭才華
舊句叢殘壁上紗
惆悵西陵松柏路
年年秋雨泣湘花

香茗移根顧渚茶
四孃宅畔一谿花
有晴莫怨西邊雨
怕是東風不憶家

骨出飛龍滿鏡愁
楷釵斜插嬾梳頭
隔年翠被裝綿薄

秋海棠開又一秋

用朝鮮金
命喜句

青蘿門徑傍秋潭
酒譜榛經事事諳
張八生憐魏三熟
銷魂真箇到江南

百褶湘裙織藕絲
青團扇底遠山眉
調言莫信金樓子
曾見徐孃未老時

十三行字豔銀鉤
八斗才名悔浪遊
誰似吳門韓博士
一生管領六宮愁

新月彎彎古月低
頽垣衰草板橋西
玉人去後妝樓改
賣帖淒涼澹墨題

殤紅落盡杏花邨
不是清明亦斷魂
藏得十年女兒酒

淡淡澆向碧桃根

歷亂朝雲壓鬢鴉支牀安曰稱當家石欄悄倚無人見
照影雙雙汲井華

白藕花開照水明秋來紈扇尙多情曉雲吹散蘇姑夢
不到遼西莫打鶯

虎耶酒樓

橫塘七里照橫波越女吳孃問苧蘿雙槳過橋鐙影亂
重樓壓水酒香多林巒有樣描圖畫風月無愁管綺羅
間煞要離墳上草一尊誰與酹青莎

題潘冰蟾女史

淑

蘭閨讀畫圖卽索畫春雨護花

圖冊子四首

劉家才調第三孃香茗春椒各擅場
吮墨妙拈斑竹管

藏書低壓縷金箱
青綾幃淺調宮粉
黃絹碑淡藝辦香

自署紉蘭樓閣好

紉蘭閣女史所居

圍屏六扇畫瀟湘

江上雲山河上槎
早隨宦轍半天涯
屏風士女臨周昉

女史受六法於周鐵瓢山人

官舫圖書載米家
新購典將金纏臂
舊

題展畫玉鴉
義蠶眠細跋簪花字
粉壁淡淡籠絳紗

黛煤赭土染斑斕
半待臨摩半待刪
但錄雲煙都是福

枉拋鍼綫未曾閒
鏡函空翠千章樹
扇角遙青一桁山

寄語秦樓畫眉手
莫辭辛苦學荆關

宋二語反元遺山詩意

多買臙脂少買絲買絲只合繡昌之圖成沒骨汚寒具
去歲古泉以女史畫扇見貽惜爲俗客汚損揀取生香換折枝庭院落花簾
外兩人家春樹畫中詩乞來彤史傳三絕低首吳興管
仲姬

寄周泉南十柳田家二首

先生古天民高臥九峯麓雙扉枕碧谿一逕翳幽竹讀
書多清暇學辨麥與菽卽舍午雞鳴炊煙桑柘綠手栽
十楊柳穆穆覆茅屋日夕涼風生披襟坐碌碌水旱頗
關心農經手鈔錄欲擬田家詩惜無儲太祝

萍根聚蘆灘扁舟泊崧浦竇從方喧闐未及吐肝腑讀

君所著書咄咄良工苦芸燒蠹簡香松拆龍鱗古欲放
剡谿船琴尊叩巖戶秋風種秫田春雨垂楊塢酒脯沾
前邨菰葵摘後圃倘有草堂貲耦耕約無阻

余食蔥薤俄盡二器同人怪余有北人之嗜因賦
南庖北肆較如何底用香橙手自搓嘗去不妨三斗盡
撒來又見一巡過茗椀味苦奴羊酪甘蔗漿寒換駱駝
莫笑古來成癖嗜瘡痂那比鰕魚多

詠懷古蹟詩和鐵雲山人十首

司馬長卿故里

茂陵秋雨暗黃昏賸有蕭條四壁存結客最難逢邑令

愛才畢竟是王孫牆低宋玉花當路肆近嚴平酒滿尊
浪把黃金買詞賦白頭哀怨似長門

杜工部遺象

耒陽牛酒命如何溝壑難填此歎歌知爲苦吟成瘦削
況兼憂患與銷磨文章有燄鬚眉在骨肉無人涕淚多
猶幸揮毫畱采筆浣花谿上翦江波

龍鳳祠

白帝風雲壓古祠千秋各自大名垂人間生死須臾事
天下安危隻手支誰信蕭曹成絕代我憐管樂不同時
讀殘青史功臣表國士無雙未算奇

劔閣

青天半壁萬芙蓉，傑閣宮雘礪石鋒。
蜀道遙盤千仞合，秦關俯瞰一丸封。
羊腸尚叱王尊馭，虎穴難尋鄧艾蹤。
壯士功名才子筆，銘詞勒在最高峯。

利州皇澤寺

寺有唐武氏女尼塑象

曳衣入侍太恩恩，大眼楊花易惱公。
暫現莊嚴仍媚媚，古來兒女此英雄。
書成樓子人難老，壻奪瑤光計未工。
畱得一朝家法在，有人曾住玉清宮。

登黃鶴樓

武昌楊柳綠成絲，霸業銷沈酒一卮。
樓角當空初縱目，

江山雖好怕題詩
銅琶急拍龍涎滑
鐵篴橫吹鶴背遲
漢口夕陽無恙在
仙人去後不多時

弔禰衡

春來碧草又芳菲
一角平洲帶石磯
蓋世狂名生不偶
依人末路死如歸
有才難得姦雄妒
定論須知嫚罵非
絕調漁陽猶在耳
江湖吹雨忽橫飛

宋玉冢

杯酒親澆土一坯
每逢搖落歎奇才
秋風鬼唱招魂賦
春草祠荒夢雨臺
同調祇餘唐勒輩
後人還爲汨羅哀
大言欲起先生問
高豔濃香已劫灰

望峴山

三尺穹碑第一流不分華屋與山邱最難上將輕裘帶
其話生平舊釣遊讐敵尙知尊北斗賓僚怕夏過西州
行人莫唱襄陽樂說到滄桑淚未收

挂劍臺

天涯聚散感苔岑欄具摩挲擊節吟後死交遊餘一面
平生狀諾重千金秋風落日行裝健宿草荒原涕淚深
三尺魚腸論劍術不堪南望故園心

題戴滄鷗赤壁圖二首

斷崖一片夕陽浮蘆荻蕭蕭兩岸秋記得布帆江上路

黃州西去是荊州

千古詞豪唱大蘇
英雄淘盡浪花麤
一尊我酌江心月
鐵板銅琶尙有無

桂畱山房詩集卷八終